

Poliomyelitis (Polio)

Immunisation Information



Poliomijelitis – Polio (Dječja paraliza)

Bosnian

Informacije o imunizaciji

Poliomijelitis (Polio)

Ljudi u Australiji trebaju biti imunizirani protiv polia iako već dugo godina nije bilo slučajeva bolesti. Još uvijek ima slučajeva u drugim zemljama i postoji rizik da bi se bolest mogla ponovo pojaviti i ovdje ukoliko se djeca i odrasli ne imuniziraju.

Polio može izazvati blage simptome ili vrlo jaku bolest. Virus je taj koji djeluje na probavni i nervni sistem. On izaziva groznicu, povraćanje i ukočenost mišića i može djelovati na nerve, dovodeći tako do trajne osakaćenosti.

Bolest može paralizovati mišiće za disanje i gutanje izazivajući smrt. Između dva i pet procenata ljudi sa poliom, umiru a oko pola od svih pacijenata koji prežive, dobiju trajnu paralizu.

Polio se može dobiti ako izmet inficirane osobe zagadi hranu, vodu ili ruke.

Neaktivna polio vakcina (IPV)

IPV vakcina se daje u vidu injekcije. IPV vakcina sadrži tri vrste neaktivnih polio virusa. Dugotrajni imunitet se postiže sa kurom od 4 injekcije koje se daju u razmaku od 2 mjeseca.

IPV je zamjena za oralnu polio vakcinu (OPV) ukoliko su prijašnje doze polia davane na usta.

Odrasli

Odrasli su u prošlosti, trebali obavezno primiti najmanje tri doze polio vakcine. Oni koji nisu, trebaju konsultovati davaoce imunizacije tako da se može organizovati imunizacija koja će "nadoknaditi" propušteno.

Dodatne vakcine se preporučuju samo odraslima koji su pod rizikom.

Pod rizikom su:

- oni koji putuju u predjele i zemlje gdje je polio prisutan i raširen.

- zdravstveni radnici koji mogu imati kontakta sa oboljelima od poliomijelitisa

Ove osobe trebaju primiti dodatnu dozu OPV-a, svakih deset godina.

Reakcije na Neaktivnu polio vakcincu

Uobičajene nuspojave kod Neaktivne polio vakcine:

- bolovi u mišićima
- blaga grozница
- bol, crvenilo i oticanje na mjestu uboda
- privremeni mali otok na mjestu uboda

Izuzetno rijetke nuspojave:

- jaka alergična reakcija

Ako dođe do blagih reakcija, one traju 1 - 2 dana. Nuspojave se mogu ublažiti na sljedeće načine:

- piti više tečnosti
- ne nositi puno odjeće
- staviti hladnu, mokru krpu na mjesto uboda
- uzeti (ili dati djetetu) paracetamol da se smanji nelagoda (obratiti pažnju na dozu koja se preporučuje godinama u kojima je vaše dijete)

Ako su reakcije teže, ne prestaju ili ste zabrinuti, kontaktirajte vašeg ljekara ili bolnicu.

Provjera prije imunizacije

Prije imunizacije, recite vašem ljekaru ili sestri ukoliko se bilo šta od dole navedenog odnosi na vas ili vaše dijete:

- ako ste slabi na dan imunizacije (temperatura preko 38,5 C)
- ako ste imali jaku reakciju na bilo koju vakcincu
- ako ste imali jaku alergiju na bilo koji sastojak vakcine (npr., neomicin)

